

Maniitsoq Bådeforening-ip malittarisassai

§ 1 Aqqa sumilu angerlarsimaffeqarnera

Peqatigiiffiup aterraa Maniitsoq Bådeforening
Peqatigiiffiup angerlarsimaffigaa Maniitsoq, Kalaallit Nunaat.

§ 2 Siunertaq

Peqatigiiffiup siunertaraa:

- a. Maniitsumi nuannaariutinik umiatsiaatsillit ataatsimoorfeqarnissaat
- b. Maniitsumi nuannaariutinik umiatsiaatillit atugaasa siuarsarnissaat
- c. Paasisitsiniaanikkut nuannaariutinik umiatsianik angallanneq isumannaallisarnissaa.

§ 3 Ilaasortaanermi atugassarititaasut

- stk. 1 Siulersuisut nuannaariutinik umiatsiaatsiaatillit imaluunniit nuannaariutinik umiatsianut soqutiginnittut kikkulluunniit ilaasortaanngortissinnaavai, peqatigiiffiulli puttasuni inissarsisinneqarnissamut piumasarivaa, Maniitsup illoqarfiani najugaqartutut inuit allattorsimaffianni nalunaarsorneqarsimanissaq.
Umiatsiamik piginnittut tamarmik angallatimi puttasumiinera namminneq akissaafigaat.
- stk. 2 Ataatsimeersuarnermi kontigent-i akiliutissatut aajangerneqarsimasoq naapertorlugu, akiliuteqarnikkut peqatigiiffimmut ilaasortanngortoqarsinnaavoq, ilaasortaaler nerlu ullormiit akiliiffimmiit aallartittarpoq.
Ilaasortaanermut akiliummik, ulloq akiliiffiusoq tunngavigalugu, utaqqisut allattorsimaffiannut nalunaarsorneqarneq pisarpoq.
Siulersuisut ilaasortanngorusuttumut ilaasortanngortitserusunngippata, ilaasortanit marlunnit naammagittaaliutigineqarsinnaavoq, ataatsimeersuarnissami aalajangiiffiusussamik suliaasannngortitsinikkut.
- stk. 3 Ilaasortaajunnaarneq allakkatigut nalunaarutigineqassaaq, qaammatillu nutaap aallaqqaataaniit aatsaat atuutilissalluni.
Angallat tunisimagaanni, puttasumi talittarfigisaq pisisumut, taanna peqatigiiffimmut akiliisarluni ilaasortaappat, atortinneqarsinnaavoq, puttasup qaqinneqarnissaata tungaanut (sejlsæson-ip naanissaata tungaanut).
- stk. 4 Siulersuisut ilaasortamik ilaasortaajunnaarsitsisinnaapput, ilaasortaq peqatigiiffimmut ajoqusiisorigunikku. Ilaasortaajunnaarsitsineq ataatsimeersuartunut naammagittaaliutigineqarsinnaavoq.
- stk. 5 Ilaasortat akiitsullit, 01. april, siulersuisuniit piumaffigineqassapput akiligassaminnik akileeqqullugit, - taassumalu saniatigut nukingisaarinnermi akiliut 300,00 ullut 8-t qaangiutinngagit, akileeqqusissutip tiguneraniit, akilernerneqarsimassapput. Akiliisoqanngippat siulersuisut, ilaasortaq ilaasortat allattorsimaffianniit peersinnaavaat.
Ilaasortanngoqqinneq aatsaat pisinnaavoq akiitsut akilereerneratigut.

- Ilaasortanngoqqinnerlu utaqqisoqarpat, utaqqisut allattorsimaffiannut ilannguti-taanermik kinguneqassaaq.
- Ilaasortat utaqqisuniittut (ventelistemedlemmer) april-ip aallaqqaataata kingorna akiliisut, utaqqisut allattorsimaffiannut, ullormi akiliiffiusumi ilanngutitseqqinneqas-sapput.
- stk. 6 Peqatigiiffimmi ataqqinaammik ilaasortanut umiatsiat marluk inissaat siulersuisunit tunniunneqarsinnaapput.
- Ukiut 15-nit sinnerlugit peqatigiiffimmut ilaasortaasimagaanni, ataqqinaammik ilaasortanngorsinnaaneq aatsaat anguneqarsinnaavoq.
- Ataqqinaammik ilaasortaaneq pisinnaatitsivoq, umiatsiamut inissamut affaannar-mik akiliinissamut.
- Ataqqinaammik ilaasortaaneq inuunerup sinneranut atuuppoq, pisussaaffiliillunilu inissamik atuinissamut, § 3 stk. 6–mili allassimasoq maluginiaruk.
- stk. 7 Umiatsiat tamarmik puttaqutinik attussarnaveeqquteqarnissaat/kallussaannaveeq-quteqarnissaat piumasarineqarpoq.
- Angallatit angivallaarpata mikivallaarpataluunniit siulersuisut angallatit inaannik paarlaassisinnaapput, taamaattoqarnerani akinik utertitsisoqassaaq akiligarluunniit ilatinneqassalluni
- stk. 8 Puttasuni qassutinik/atortunilluunniit inisseeqqusaanngilaq.
- Angallammik piginnittup angallatini piffissami angalaffiusumi (sejlsæson) atunngikkuniuk atortinneqarsinnaavoq/attartortinneqarsinnaavoq. Tassunga akiuliutigineqartoq siulersuisunit akuleruffigineqassanngilaq, taamaattorli puttasup atorneranut akiliut qaangertussaanngilaa. Ukiut tulleriit marluk angallammik piginnittup inini atunngikkuniuk piginnittoq siulersuisunit attavigineqassaaq passivlisteullu inissinneqarsinnaalluni, inigisaalu utaqqisumut allamut tunniunneqarsinnaavoq imaluunniit ininik paarlaassuinermi atorneqarluni.
- stk. 9 Puttasut nunamut qaqinneqarnissaanut, ullup piffissaliussap allagarsiivikkut nalu-naarutigineqartup kingorna, umiatsiamik puttasumiisitsineq 500.kr-ninik akiligas-siinnermik kinguneqassaaq.
- Allagarsiivikkut matuersaatit qaqugu agguanneqarnissaannut nalunaarut suli allagarsiunneqanngitsoq, puttasumut talikkaanni 500 kr.-ninik akiliisussanngor-tinneqarnermik kinguneqassaaq.
- Akiligassiissut, akiliinissap tulliani, akileqquneqassaaq.
- Akiliinngitsoorneq Bådeforening-imiit ilaasortaajunnaarsitaanermik kinguneqassaaq.
- stk. 10 Umiatsiamut nipititassat sungaartut tunniunneqarsimasut, puttasumiit takuneqarsin-nasamut nipitinneqassapput.

§ 4 Siulersuisut

- stk. 1 Siulersuisut ilaasortanik tallimanik inuttaqarput: Siulittaasoq, allatsi, aningaaserisoq siulersuisunilu ilaasortat nalinginnaasut marluk.
- Siulersuisuni aningaasartuutit, ilaasortat amerlassusiannit aalajangerneqassapput, peqatigiiffimmilu ilaasortamut ataatsimut annerpaamik naliliunneqarpoq 150,00
- stk. 2 Siulersuisut namminneq suleriaasissartik aalajangissavaat siulersuisunilu inissat namminneerlutik agguataassavaat.
- Siulersuisuni ilaasortat pingasuugunik aalajangiisinnaatitaapput, taakkua ilaat siu-littaasuuppat.

Naligiimmik taasisoqartillugu, siulittaasup isumaa aalajangiisuussaaq. Siulersuisut ukioq allortarlugu qinerneqartassapput, imatut; ukioq ataaseq ilaasortat marluk qineqqusaassapput, ukiullu aappaani, ilaasortat pingasut. Qinigaaqqittoqarsinnaavoq.

Siulersuisuni ilaasortaq sapaatit akunnerini pingasunit sivisunerusumit najuussin-naangippat sinniisussaq aggersarneqassaaq.

stk. 3 Ukiumut ikinnerpaamik siulersuisut sisamariarlutik ataatsimiittassapput aammalu siulersuisuni ilaasortap ataatsimiinnissaq kiissaatigippagu ingerlanneqartassalluni.

stk. 4 Siulersuisut pisussaaffigaat, ataatsimiinerit imaqarniliussallugit (forhandlingsprotokol) naatsorsuutillu suliarinissaat isumagissallugit.

Naatsorsuutit kukkunersioriikkat siulersuisunit akuerisassanngorlugit saqqummi-unneqartassapput, atsiorneqarlutik, nalinnginnaasumillu ataatsimeersuartunut nalunaarusiortoqartassaaq.

stk. 5 Siulittaasoq peqatigiiffik sinnerlugu oqaaseqartartuuvoq atsiortartuullunilu.

§ 5 Ataatsimeersuarneq

stk. 1 Nalinginnaasumik ataatsimeersuarneq ukiumut ataasiarluni marts-imi april-imi-luunniit pisassaaq.

Ataatsimeersuarnissamut ilaasortanut aggersaaneq, minnerpaamik ullut 12-it ataatsimersuarnissaq sioqqullugu allakkatigut siulersuisuniit nalunaarutigineqassaaq.

stk. 2 Oqaluuserisassat ataatsimiigiaqqusisummut ilanngunneqassapput, makkuninngalu imaqassallutik:

- a. Aqutsissussamik toqqaaneq.
- b. Siulersuisut nalunaarutaat.
- c. Naatsorsuutit saqqummiunneqarneri.
- d. Siunnersuutaasut suliarineri.
- e. Ilaasortaanermut akiliutip aalajangiivigineqarnera.
- f. Siulersuisunik qinersineq taamattaq sinniisussanik marlunnik.
- g. Naatsorsuuserisussamik (revisionsfirma) toqqaaneq.
- h. Tamalaat.

Ilaasortaq kinaluunniit oqaluuserisassanut ilanngussisinnaatitaavoq, tamanna ullut arfinillit ataatsimeersuarnissaq sioqqullugu, siulersuisunut nalunaarutigisimappagu.

stk. 3 Immikkut ittumik ataatsimeersuartoqassaaq, siulersuisuni ilaasortat marluk ilaasortalluunniit sisamararterutaasa allagaqarnerminni kissaatigippassuk, nalunaarlugu oqaluuserisassat suut oqaluuseritikkumanerlugit.

Ataatsimiigiaqqusineq, nalinginnaasumik ataatsimeersualernermi aggersaasarnerup malittarisassai malillugit ingerlassaaq.

Siulersuisunut ataatsimeersuarnissamik kissaateqartoqareerneratigut, kingusinnerpaamik qaammat ataaseq qaangiutsinnagu, ataatsimiigiaqqusisoqassaaq.

Immikkut ittumik ataatsimeersuarneq aalajangiisinnaatitaaffiujuaannarpoq.

stk. 4 Ataatsimeersuarnermi ilaasortat tamarmik najuussinnaatitaapput taasisinnaatitalutillu.

Taasinerni tamani, amerlanerussuteqartut allakkatigut aalajangiussaata aalajangiisuussaaq.

Ataatsimeersuarnerni aajalangiussat erngerlutik atuutilissapput.

Malittarisassat malillugit; ataatsimeersuarnerni tamani, ilaasortat najuuttut ikin-

nerpaamik ataatsimik siulersuisunit najuuttunit amerlanerugaangata,
ataatsimeersuartut aalajangiisinnaatitaapput.

Taamaattoqanngippat immikkut ittumik ataatsimeersuarnissamut aggersaasoqartari-
aqarpoq.

§ 6 Aningaasanik aqutsineq

- stk. 1 Nalinginnaasumik ataatsimeersuarnermi ilaasortat akiliutissaattut, inissamut attar-
tornermut, depositum-imut aammalu ilaasortanngorniarnermi saniatigut akiliutis-
satut aalajangiunneqarsimasut, tamarmik siumoortumik akilerneqartassapput.
- stk. 2 Siulersuisut inissinneqareerpata, siulittaasoq aningaaserisorlu bankimi akuersisartut
aappaattut ikkunneqassapput.
- stk. 3 Aningaaserisoq naatsorsuuserisassaaq, ukiup ima ingerlanera: 01.01-31.12 malillugu.
Ataatsimeersuarnissaaq, kingusinnerpaamik ullunik 14-nik sioqqullugu ataatsimeer-
suartut naatsorsuuserisussatut toqqarsimasaannit, naatsorsuutit kukkunersiorne-
qassapput.

§ 7 Inatsisinik allanngulineq

Inatsisit aatsaat allanngortinneqarsinnaapput, ataatsimeersuarnermi ilaasortat
najuuttut amerlanerussuteqartut aajalangerneratigut.
Allannguinnissamilli siunnersuutit, ataatsimeersuarnissaaq ullunik arfinilinnik
sioqqullugu siulittaasumut nassiunneqarsimassapput

§ 8 Atorunnaarsitsineq

- stk. 1 Ataatsimeersuarnermi ilaasortat najuuttut amerlanerussuteqartut taasiner-
mi aala-
jangerpassuk peqatigiiffik atorunnaarsitaassaaq.
- stk. 2 Ataatsimeersuartut aalajangiiffigissavaat pigisat nalillit suneqassanersut.

18 april 2024-mi ataatsimeersuarnermi naliginnaasumi taamatut aalajangerneqarpoq.